



Broj: 17-50-1-2014-7/21  
Sarajevo, 16. juna 2021. godine

**BOSNA I HERCEGOVINA**  
**ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ**  
**SARAJEVO**

PRIMLJENO: 21.06.2021			
Organizaciona jedinica	Klasifikaciona oznaka	Redni broj	Broj priloga
01/02-50	-18	-1246/21	

B

**ПАРЛАМЕНТАРНА СКУПШТИНА**  
**БОСНЕ И ХЕРЦЕГОВИНЕ**  
**SARAJEVO**

**Predmet: Izvještaj Predsjedništva BiH o pomilovanjima za 2020. godinu**

**1. Pravni osnov za davanje pomilovanja**

Članom 119. Krivičnog zakona Bosne i Hercegovine (Službeni glasnik BiH, broj: 3/03, 32/03, 37/03, 54/04, 61/04, 30/05, 53/06, 55/06, 32/07 i 8/10), regulisan je institut pomilovanja, i to na način, da se u stavu 2. istog člana propisuje da pomilovanje za krivična djela propisana Krivičnim zakonom Bosne i Hercegovine može dati Predsjedništvo Bosne i Hercegovine svojom odlukom.

Na osnovu člana IV 4. a) Ustava Bosne i Hercegovine, istovremeno imajući u vidu i zakonski osnov iz člana 119. Krivičnog zakona Bosne i Hercegovine, Parlamentarna skupština Bosne i Hercegovine donijela je Zakon Bosne i Hercegovine o pomilovanju (Službeni glasnik BiH, broj: 93/05), koji je stupio na pravnu snagu dana 08.01.2006. godine.

Predsjedništvo Bosne i Hercegovine, u skladu s članom 2. Zakona Bosne i Hercegovine o pomilovanju, može osuđenim osobama dati pomilovanja za krivično-pravne sankcije koje je izrekao Sud Bosne i Hercegovine ili drugi sud u Bosni i Hercegovini, kada je na njega Sud Bosne i Hercegovine prenio vođenje postupka, zatim za krivično-pravne sankcije koje nije izrekao sud u Bosni i Hercegovini, a izvršavaju se u Bosni i Hercegovini, kao i za pravne posljedice osuda.

Članom 3. navedenog zakona propisuje da se pomilovanje ne može dati za krivična djela genocida, ratnih zločina i zločina protiv čovječnosti.

Članom 4. navedenog zakona, propisano je da se poimenično određenoj osobi daje potpuno ili djelimično oslobađanje od izvršenja kazne ili zamjenjuje izrečena kazna blažom kaznom ili uslovnom osudom, zatim ukida ili određuje kraće trajanje izrečene

mjere sigurnosti zabrane vršenja poziva, djelatnosti ili dužnosti, ukida pravna posljedica osude ili određuje njeno kraće trajanje i određuje brisanje osude.

Davanjem pomilovanja ne utiče se na prava trećih osoba koja se zasnivaju na presudi.

## **2. Komisija za pomilovanje**

U skladu sa članom 21. navedenog zakona, ministar pravde Bosne i Hercegovine je radi efikasnijeg postupanja po molbama za pomilovanje, Odlukom o osnivanju Komisije za pomilovanje, imenovao Komisiju za pomilovanje koju čine pet članova i njeni članovi, a koji istovremeno ne mogu biti nosioci pravosudnih funkcija.

Komisija za pomilovanje radi u sjednicama, te u skladu s odredbama članova od 8. do 16. naprijed navedenog zakona, postupa po dostavljenoj molbi za pomilovanje, ispituje njenu ispravnost u formalnom-pravnom smislu, odnosno ispituje da li je ista podnesena od strane ovlaštene osobe i da li je blagovremena, zatim razmatra sadržaj molbe, prikuplja relevantne podatke i informacije, te daje mišljenje na osnovu koga se sastavlja izvještaj o molbi za pomilovanje, i to pojedinačno za svaku osuđenu osobu.

U sačinjavanju izvještaja po molbi za pomilovanje, Ministarstvo pravde Bosne i Hercegovine - Komisija za pomilovanje je obavezna pribaviti pojedinačno obrazložena mišljenja o pomilovanju za svaku osuđenu osobu, s posebno naznačenim razlozima za i protiv pomilovanja, i to od Suda Bosne i Hercegovine i krivično-popravnog zavoda u kome osuđeni izdržava kaznu zatvora.

## **3. Razmatranje zahtjeva za pomilovanje**

Imajući u vidu naprijed navedeno, u skladu sa članom 16. navedenog zakona, Ministarstvo pravde Bosne i Hercegovine je u predmetnom periodu, od 01.01.2020. godine do 31.12.2020. godine, dostavilo Predsjedništvu Bosne i Hercegovine ukupno 3 (tri) molbe za pomilovanje osuđenih osoba, zajedno sa izvještajima o molbi za pomilovanje i obrazloženim prijedlozima Ministarstva pravde Bosne i Hercegovine za donošenje relevantnih odluka.

Predsjedništvo Bosne i Hercegovine je svojim odlukama u sva tri slučaja odbilo molbe za pomilovanje.

Od strane ovog ministarstva zaprimljene su još 3 (tri) molbe za pomilovanje u 2020. godini, čiji zakonski postupak obrade od strane Komisije za pomilovanje je završen i iste su u 2021. godini dostavljene Predsjedništvu Bosne i Hercegovine na odlučivanje.

Također, postupajući u okviru svojih nadležnosti, Komisija za pomilovanje je u 3 (tri) slučaja zaprimljene molbe za pomilovanje dostavila na odlučivanje nadležnom Federalnom ministarstvu pravde, dok je u 2 (dva) slučaja Komisija donijela zaključak o neblagovremenosti podnesenih molbi za pomilovanje, imajući u vidu da su molbe u konkretnom slučaju bile preuranjene, dok u 1 (jednom) slučaju postupak za pomilovanje je obustavljen imajući u vidu da je nakon podnošenja molbe za pomilovanje kazna zatvora u trajanju od jedne godine na zahtjev osuđenog zamijenjena novčanom kaznom koju je osuđeni u potpunosti izvršio, a 3 (tri) zaprimljena predmeta ne odnose se na neposredno postupanje po molbama, već se radi o predmetima u kojima je Ministarstvo pravde Bosne i Hercegovine, odnosno Komisija za pomilovanje u okviru svojih ovlaštenja, vršilo odgovarajuće pisane korespondencije s nadležnim organima, davalo pravna mišljenja i izvještaje, obavještavala, dostavljala relevantne odgovore na upite zainteresovanih lica, tražila informacije, te vršila druge poslove iz svoje nadležnosti.

Uvidom u evidencije koje se vode kod ovog ministarstva utvrđeno je da je u ukupnom broju razmatranih i zaprimljenih predmeta i zaprimljenih predmeta u toku 2020. godine postupano sa 100 (stotinu) različitih akata, što govori u prilog činjenici da se radi o obimnom i složenom poslu, ali i o ažurnosti u radu Komisije za pomilovanje.

#### **4. Dostavljanje izvještaja Parlamentarnoj skupštini BiH**

Imajući u vidu član 20. stav 1. Zakona Bosne i Hercegovine o pomilovanju, kojim je propisana obaveza Predsjedništva Bosne i Hercegovine da jednom godišnje obavijesti Parlamentarnu skupštinu Bosne i Hercegovine o odlukama o pomilovanju donesenim tokom prethodne kalendarske godine.

Obavještenje o provedenim postupcima pomilovanja dostavljamo zajedno s tabelarnim pregledom koji sadržava: broj datih pomilovanja, zakonske nazive krivičnih djela za koja su pomilovanja data, član Krivičnog zakona, vrsta datih pomilovanja, navod da li je mišljenje suda koji je vodio prvostepeni postupak, te prijedlog Ministarstva pravde, bio pozitivan ili negativan za svako pomilovanje, i tabelarni prikaz odbijenih molbi za pomilovanje u 2020. godini.

S poštovanjem,

**GENERALNI SEKRETAR**  
Zoran Đerić  


**TABELARNI PRIKAZ DATIH POMILOVANJA  
za razdoblje siječanj-prosinac 2020. godine**

Broj datih pomilovanja	Naziv kaznenih djela	Članak Krivičnog zakona	Izrečena kaznenopravna sankcija Vrsta datih pomilovanja	Mišljenje suda	Prijedlog Ministarstva pravde Bosne i Hercegovine
0	0	0	0	0	0

**TABELARNI PRIKAZ ODBIJENIH ZAMOLBI ZA POMILOVANJA  
za razdoblje siječanj-prosinac 2020. godine**

Broj odbijenih zamolbi	Naziv kaznenih djela	Članak Kaznenog zakona	Izrečena kaznenopravna sankcija	Mišljenje suda	Prijedlog Ministarstva pravde Bosne i Hercegovine
1	Zasnivanje ropskog odnosa i prava lica u ropskom odnosu i kazneno djelo nasilničko ponašanje	čl. 185. st.1 KZ-a BiH i čl. 362. st. 2 u vezi sa st. 1 i čl. 31 KZ FBiH	Jedinstvena kazna zatvora u trajanju od 3 (tri) godine i 6 (šest) mjeseci	Da se zamolba za pomilovanje osuđenog ne uvaži	Da se zamolba za pomilovanje osuđenog ne uvaži
1	Neovlašteni promet oružjem i vojnom opremom, te proizvodima dvojne upotrebe	čl. 193. st. 1 u vezi sa čl. 29. i 54. KZ BiH	Kazna zatvora u trajanju od 3 (tri) godine i 6 (šest) mjeseci	Da se zamolba za pomilovanje osuđenog ne uvaži	Da se zamolba za pomilovanje osuđenog ne uvaži
1	Neovlašteni promet oružjem i vojnom opremom, te proizvodima dvojne upotrebe i kazneno djelo neovlašteni promet opojnim drogama	čl. 193. st. 1 u vezi sa čl. 54. KZ BiH i čl. 195. st. 1 u vezi sa čl. 54. KZ-a BiH	Jedinstvena kazna zatvora u trajanju od 4 (četiri) godine	Da se zamolba za pomilovanje osuđenog ne uvaži	Da se zamolba za pomilovanje osuđenog ne uvaži